



Broj:05-04-39-32/23 MG
Sarajevo,22.11.2023.godine

SKUPŠTINA KANTONA SARAJEVO
n/r predsjedavajućeg Skupštine

PREDMET: Odgovor na zastupničku inicijativu zastupnice Elze Gaković

Zastupnica Elza Gaković, u skladu sa članom 106. Poslovnika Skupštine Kantona Sarajevo („Službene novine Kantona Sarajevo” broj: 41/12 – drugi novi prečišćeni tekst, 15/13, 47/13, 47/15, 48/16, 9/20, 16/22 i 17/22 – Ispravka), dana 29.09.2023.godine, uputila je zastupničku inicijativu.

INICIJATIVA:

Za uvođenje dvolinijskog odvoza otpada u individualnim stambenim objektima i podjelu kanti za odlaganje mješovitog i reciklažnog otpada u MZ Naselje heroja Sokolje, Dobroševići i Brijesće.

OBRAZLOŽENJE:

Inicijativu za uvođenje dvolinijskog odvoza otpada u individualnim stambenim objektima i podjelu kanti za odlaganje mješovitog i reciklažnog otpada u MZ „Naselje heroja Sokolje” podnijela sam kao vijećnica u OV Novi Grad Sarajevo 29.07.2021.godine. Prema potrebama stanovnika inicijativu proširujem na MZ Dobroševići i Brijesće. Za realizaciju ove inicijative neophodno je planirati kupovinu namjenskog vozila za dvolinijski odvoz otpada.

Problemom upravljanja otpadom se bore svi veći gradovi. Svi zajedno moramo doprinijeti da Sarajevo bude čist i lijep grad, a to znači da moramo biti svjesni da uspjeh u pravilnom upravljanju otpadom u Sarajevu zavisi od spremnosti građana da se aktivno uključe.

To proizilazi sa jedne strane iz svijesti građana o važnosti pravilnog razdvajanja otpada već u domaćinstvu i njegovih praktičnih rezultata, a s druge strane od kvaliteta i efikasnosti uspostavljenog sistema upravljanja otpadom.

Ovakav način prikupljanja i odvoza otpada predstavlja najefikasniji sistem upravljanja otpadom u KS, obzirom na činjenicu da nije sav otpad smeće te da reciklažom čuvamo i održavamo ekološku svijest.

ODGOVOR:

Projekat odvojenog prikupljanja otpada u individualnim stambenim objektima na području Kantona Sarajevo izradio je KJKP "Rad" u augustu 2016.godine. U periodu 2017.-2022.godina u saradnji Ministarstva i KJKP „Rad“ realizovane su četiri faze projekta. U 2023.godini nismo imali zahtjeva za nastavak aktivnosti. U toku projekta nabavljeno je i instalirano 200 kontejnera 1100 l, 6000 posuda 120 l, 6000 posuda 240 l. te nabavljeno vozilo i oprema za sortiranje.

Projekat se pokazao kao izuzetno dobar u smislu rješavanja problema lokacija za kontejnere koji se nalaze unutar naselja sa individualnim stambenim objektima, a i u smislu odvajanja otpada na mjestu nastanka i njegovog recikliranja umjesto odlaganja.

U sklopu pripreme odgovora na konkretnu inicijativu, obratili smo se KJKP „Rad“, koji je odgovor dostavio i Skupštini Kantona Sarajevo. U dostavljenoj informaciji KJKP „Rad“ izjasnio se da je u saradnji sa Općinom Novi Grad već počeo projekat uvođenja dvolinijskog sistema u MZ Naselje heroja Sokolje i da će se isti nastaviti u 2024.godini, sa tendencijom proširenja na MZ Dobroševići i MZ Briješće.



Obradila: Mira Grgić,
stručni savjetnik za upravljanje otpadom

Kontrolisala: Selma Sokočević,
šef Odjeljenja za planiranje i realizaciju poslova upravljanja otpadom

Saglasan: Adnan Medić,
pomoćnik ministra za zaštitu okoliša

Dostaviti:

- Predsjedavajući Skupštine Kantona Sarajevo
- Služba za skupštinske poslove
- Sekretar Vlade Kantona Sarajevo
- Evidencija
- a/a x2

